

田  
間  
詩  
集

田間詩集卷第五

江上集 乙亥

柳絮篇

長干三月柳花飛，拂巷穿街亂撲衣。  
閒逐游絲颺紫陌，急隨花片度羅幃。  
人家曉起紛紛白，委地盈階掃不惜。  
暗妝老樹認爲花，斜舞迴廊疑似雪。  
莫笑楊花性太狂，無情無緒漫悠揚。  
誰家庭院非吾土，何處園林是故鄉。  
任人不道花輕薄，世事由來無定著。  
已惜桃花順水流，更傷霜葉歸根落。  
飄飄不自定東西，嬾學人間著處迷。  
便欲乘風輕渡水，惟愁帶雨濕霑泥。  
往還豈借吹噓力。

倏忽升沈渾未測階下兒童捉不來梁間燕子蹴難得  
飛去飛來任意休春風不用更追求卽教化作青萍草  
依舊無根水上浮

黃俞邵以燈夕後一日三十初度用湯聖弘原  
韻

江南節物忽華余萬卷爭陳燈市初却怪黃生蹤迹少  
自緘竹閣校藏書

家近皇城馬路邊 孝陵長對草窗前卽今三十成名  
士不見松楸十五年

修竹藏軒暑不知秋來冒雨偶披帷閒繙奇字多難認

轉笑無公字學癡

無可師以字  
學付俞邵

詞客登壇半楚騷爭酬新句薦春醪老年屬和吟難穩  
白首江天苦費搔

雨花臺

京國春游盛登臨只此臺酒完人故醉歌慢客先回山  
月防將起城門趁半開夕陽峰最好獨有老僧來

秦淮

清溪餘一曲莫過木橋邊北客丹亭榭吳兒澹管絃押  
衣離酒店喝采賽燈船五月河房貴租添看水錢

酒伴全非昔兒郎態未殊舊交遮扇過熱妓隔船呼玉

笛情多少珠簾豔有無關東人漸熟亦說用蘇廚  
利涉橋東去遊船不敢過漁罾當檻繫馬棧對河多舟  
子愁兵問營姬見客訶幾年問救勒今已滿城歌  
久在溪裏今來識幾家屋巢辭舊燕堤柳宿殘鷓鴣人  
去未幾改潮侵水閣斜不知誰第宅新種邵平瓜

舊曲

一帶荒墟地人傳舊狹邪歌銷鶯自語舞散柳還斜魚  
鬚燕爾若蝶迷罨菜花高樓存幾處盡說住良家

金陵雜詠

寺嚴游女禁今見往來頻入院車偏熟穿林馬亦馴茶

湯前內監星下老遺民柏樹枝多死南廊僧漸貧信心  
惟道媪護法仗時人大殿工將起梨園賣戲新

長干寺

荒臺遊不改迥異廿年前路口牛車塞山頭毳帳連歌  
難按舊拍囊少帶閒錢酒店經時剪茶棚逐處遷勢官  
矜顧盼詞客鬪詩篇獨羨輿人醉麴草上眠

雨花臺

春市家家出妝成堵喜無樓須多日定衣是隔宵租勒  
馬情空注窺簾色盡殊官裝新北調民俗舊南都綵仗  
排班少氍毹奪路趨亡神荆棘繞吁駭問農夫

春市

閭閻猶似鬧世事已全非官在微行傲市因強買稀念  
珠尋蠟珀時服重毛衣索看成交少閒攤問價遠殘書

愁容檢履盡聽人譏獨見遼陽叟牛車載貨歸

歷市

伊昔狎游地經過亦可傷鴉塗殘粉壁燕壘落雕梁客  
到談遺事兵來說空房故冢多脫籍前輩盡從良問姓  
新移住知名別處藏敲門不敢應愁絕是邊裝

舊裝邪

長干卽事

長干天下增壯麗鬼神驚舍利光頻放金輪頂夜鳴碑  
留番客有番客作讚留碑而去瓦怪震雷轟匠石騰空補謹聲  
勤一城戊戌春雷碎增瓦有五匠人職空運甕不日成之

院較當年開松間小店增卜多高士賣工待宰官興功  
德輸脩藏方有社人情讓點燈增燈扶無一夜空席棚爲薙髮

養活幾千僧

方爾止移居

吾兄耽野趣買宅傍城東門掩寒塘側樓開夕照中此  
鄰多畫手坐客半詩翁余亦時來往牀頭酒莫空

我尋栖隱處言是宋家園近寺墟爲圃穿橋水滿村卽  
宜脩草閣且爲補柴門布置饒丘壑暇時細討論

巷偏車轍少祇合杖藜過夾路宜添竹當門好種荷水  
光東面闊山色北來多卽此堪容膝餘生足嘯歌

鮭菜無多種貧家好客偏漸除寒士態淡識細君賢酒  
價僅能訪茶香婢可憐

先有婢澄茶  
極精今去矣

所需懷抱物相慰



耦耕前

爾止無子方得佳偶故及之

姚彥昭經三昆仲見過因同飲胡氏草廬

小謝纔停楫元方久未回

彥昭時以授經在城

沙街攜手至席帽

出城來路聽車聲讓門窺馬過開草廬  
溪竹裏有約共追陪

山民在瀟暑中過訪草堂

有客朝攜手柴門問水涯  
畏炎辭遠席訪舊到貧家是  
滑南鄉光井沈六合瓜清談留二仲  
坐待日西斜

白門行

白門別十五年白門再來人可憐  
市上逢人少顏色

家家盡欠旗下錢  
旗下錢欠誰數  
少家貨已盡  
錢未了  
妻兒准算牽入城  
明朝引兒出打草  
誰者鎖頸城南門  
頸上淋漓鮮血痕  
近前掩面不忍問  
問之知爲隆準孫  
此輩凌辱自甘受  
肌膚戕毀復何有  
獨憐編戶借還官  
橫使骨肉遭毒手  
市井蕭條店不張  
新年通著舊衣裳  
豪華祇羨遼陽客  
豔冶惟憐滿女妝  
滿女妝成亦有色  
道逢牛車讓車側  
幾家老嫗候山門  
隨車入寺誰禁得  
城南一帶梵王宮  
塲院樓臺相映紅  
忽有兵機防伏莽  
松陰竹色一朝空  
竹色松陰最蕭澹  
卽今一望彌曠野  
墓上無非寒外羊  
山嶺盡是關東馬  
朝朝暮暮白頭僧

每眺高臺淚不勝惟有長干寺裏僧  
通宵猶似昔年燈

老狐行

君不聞書生問難董江都一語識破化老狐  
書生入京見天子殿前雄辨折羣儒  
天子非常賜恩禮公然白晝搖簪裾  
天地翻覆狐不死還竊虎威欺鄉里  
啼笑真假獨醜面變化終存燕火尾  
出入虎前狐後隨逢人辟易夸且悲  
虎欲齧人避不得賢豪免者吾所爲  
賢豪之死亦有命老狐此言胡足信  
不聞天下無狐鄉天公直遣虎齧盡  
我遇此狐雪白鬚頭搖手戰兒童扶  
當年曾受人主敕至今不怕天師符  
共言佛法魘魅懼老狐偏在

佛堂住口中持咒手書經維陀大杵驅不去自說長齋  
四十年祖師堂內久參禪明眼老僧休道破南來佛法  
許狐傳老僧傳法心最苦祇圖此物能伏虎狐張虎勢  
作虎聲時時吼令合山驚君不見老僧法被老狐滅師  
徒無聲眼滴血

青樓女

江東結客有沈生早擅青樓蕩子名室中慣取青樓女  
入門椎布甘辛若共羨君家大婦賢許君夜夜擁姬眠  
可憐遇難一朝死頸血淋漓漲西市官收妻妾散歸旗  
傷人都爲諸姬疑一姬聞難色自若與郎別時原有約

引吭自盡通邑驚同時又有小婦爭小婦終年長獨宿  
夜臺今夕還相逐可憐大婦獨從容手殮姬人棺自封  
絕粒經旬命亦絕沈家親戚生顏色太守點名親下縣  
歎息一門世罕見自買香燭拜三喪就中一喪青樓侶

搏虎行

勸君有山讓虎住慎勿搏虎動虎怒虎欲住山可柰何  
搏虎不中傷人多世人但言猛虎虐我在山中笑人弱  
夜到官符召獵師獵師寸鐵不曾持卽期虎穴不日掃  
縱火乘風殊草草居人防虎結伴行見火上山攘臂爭  
攘臂爭功爲虎死那知端坐巖穴裏火勢逼虎虎心驚

躍出淡林作吼聲獵師辟易火亦滅山頭火光猶未歇  
山頭之火隨風吹近處人散遠不知君不見獵師既去  
虎歸穴山前山後新滴血

泥鰍行

人家堂坳水不乾疑有怪物水中蟾因蛙無聲蚯蚓踏  
爭傳此物頭有角老巫見之禮最恭云是洞庭行雨龍  
作法燒符請龍子雷火滿空龍不起不如蜥蜴徑寸身  
亂打雪竈猶有神傷人還恐變化去那知藏在泥溪處  
汲水取泥投江流蜿蜒乃是泥中鰍泥中鰍何足怪空  
使老巫朝夕拜

野鶴篇

東家老屋出狐狸搏雜嗟卵無不爲野鶴飛在池邊歇  
還欲咋其千年血堂上錦雞好文采雖不相知遙相愛  
小狐夜驚雞羽傷還指池邊鶴黃長隣胸奮臆向鶴怒  
鶴黃雖長何處訴鶴何其懦雞何愚笑倒牆根短尾狐

青藜蒼谷星卿索飲醉後作

君不見燕市酒徒有荆軻漸離擊筑荆卿歌狗屠何人  
無名姓三人相和淚滂沱又不聞蘇生每夜酒一斗一  
卷漢書常在手張良奮擊祖龍槌惜哉不中一杯酒古  
來飲者多半騷骨無磊砢飲不豪三子胥中復何有飲

我酒盡還餉糟酒酣仰面向天哭荆鄉在燕酒未足易  
水歌罷長已矣報仇豈望高生筑常俟歸種邵平瓜狂  
奴自賣君平卜會生還山且耕田漢書只在牛背讀

金陵口號

漢家法物廢爲銅觀象臺存器已空却說渾天儀尚在  
撤來零落府堂中

每憶魚鮮羨後湖持竿敢動一鱗無水衡已弛先朝  
祭特召江頭網戶租

舊內門封不敢開幾時瓜菜滿城栽當年賜作中山第  
夜半離牀叩首回



大中橋北北人栖南內淒涼白晝迷時有推囚官吏到  
夜淡冤鬼徧城啼

南朝冊籍重魚鱗鎖鑰關防察視頻發出街頭官價賣  
家家窗戶一時新

牛頭山下鐵心橋千載精光自六朝爲擬鑄刀官取去  
只今劍氣可沖霄

靈谷松陰五里長窺人鹿出色全蒼如今樹盡三門毀  
獨對鍾山看夕陽

城南樹色靄氤氳石馬高低貴戚墳松柏伐完荒塚塌  
敬奴磨滅斷碑文

萬松無復一松遺  
來往人詢正學祠  
棟宇盡傾孤像歸  
冠袍危坐雨淋漓

古樹蒼蒼官路傍  
墳園無主說孃孃  
花碑碧瓦皇陵  
試撒向叢林蓋講堂

歲祀南郊古帝都  
天壇猶憶舊規模  
棟梁處處栖霞氣  
賣與人家住得無

園陵宮闕已全傾  
十八門樓毀盡平  
往日金湯須底固  
太平不用外羅城

苦熱行

中夏氣炎熱其烈如焚  
柴大地皆焦土萬物爲枯  
葦入

秋猶不雨時節毋乃垂青青田中禾化爲蒿與萊鯉魚  
亦有神噓吸驅風雷密雲自西興微雨從東來震霖一  
瀟灑譁聲六宇該羣生望始蘇天意還見摧中道折其  
翼委身困黃埃自非應龍神安救下民災下民猶有望  
庶幾天意回日暮雷雨散面色成死灰

偶見坊間有近刻遺聞一書悖謬特甚不勝憤  
惋遂成此詩

史家稱實錄孔子贊闕文所以信後世豈不貴其真不  
見韓退之有論不敢伸天刑與人禍言之悖心神斯人  
慙不畏謬妄撰遺聞甲申殉國變烈哉數名臣此外安

足道表章必有因又如賣國者丹書著國門公論豈能  
廢曲筆乃爲原皆言此書出意實由斯人南渡政多端  
綱領略不存所載諸譏論當時未一陳乃知紀失實總  
以徇交親至於閩粵事有若夢中言年月既錯亂爵里  
亦紛紜是非與功罪顛倒難具論聞有華小吏遭斥懷  
怒嗔私意撰僞書詆誣無不云儼然編野史小人語是  
遵此事吾親見紀錄亦未湮奈何當吾世親見是非翻  
遺聞頗流布人圖耳目新耳目既以惑後世何所循安  
得有識者一見輒爲焚慨然作此詩聊以寫煩冤

病中述懷

鬚髻甘吾老寧堪多病催學禪心未了入世志全灰  
穉子尋柴至鄰家借光來晝長淡鍵戶只放北窗開

北風連日夕當暑作秋聲苔色綠牀上瓜藤礙路生  
候蛩涼欲語乳犬臥頻驚伏枕眠隨熟醒常到五更

種荷惟采藕荷葉滿鄰塘不見藕花白空聞荷葉香  
雨聲病裏碎水氣醉餘涼容我消三伏秋期覓草堂

鄰人  
促我

出  
屋

市井無人語過牆僧可招夜涼江長水地僻板爲橋  
秧黑勞收馬魚腥乞哺貓河身餘幾尺怕似去秋潮

兵過船來少居奇賣光家雨傷新斲葉風損早禾花  
市

井喧分肉兒童習捕鰕當街讓打草鎮日過牛車  
吾志亦殊小天心胡太怪所求竹數箇爲構屋三間雅  
願頻年縮閒情一病刪竟無安隱處只合返家山

贈胡處士星卿

榮榮畦中蔬嫋嫋門前柳畦以水槿藩門用桑樹紐茅  
屋入蒿萊江聲通戶牖中有避世人言是東陵後多年  
不入城一卷常在手客來問所爲良久乃開口有時還  
見招臨流一觴酒

門前何所見逶迤江上山亦復何所有宛轉江水環春  
潮江水闊漁舟聚其間荻簾亦不卷柴門亦不關合家

事園圃獨有老翁閒老翁持菜把入市換光還

有時斷朝炊日午不能飯看水板橋平席地草茵軟溪  
上櫂歌揚竹外犬聲善故人自城中無酒何以返泥婦  
身上衣踟躕日將晚日晚質酒來言笑盡繾綣

惟我與夫子同爲學道人我亦無淡嗜不能甘子貧昔  
爲帝室戚今爲隴畝民抱腹聽鳴雞長夜不肯晨兒女  
終歲飢啼號動四鄰故人貽斗光持以分所親哀哉此  
高士不能營其身

聖道日荒蕪斯人固無味夫子窺太初心行果不背既  
鮮獨立懼亦辭遜世悔德乘屨提忍學遵老氏退仁者

必有勇汶汶豈一槩忽遇邪說人辨論何慷慨豈知馴  
擾中龍性固常在

同胡星卿過牛首定禪丈室方纈山爾止先已  
在坐

跨驢循絕澗山葉颯已秋仰見牛頭寺丹翠空中浮巖  
際錦樹合松上白雲收時時聞鈴鐸往往見紅樓欣此  
天氣佳愜我同心游石磴辭攀躋間道入林丘耆舊五  
百餘大半白其頭庭階自起坐不問客所由客亦不復  
問直造禪室幽叩門妙香出二子先已留果核既錯陳  
伊蒲亦頗羞開窗俯絕壁浩浩大江流大江何所見中



有往來舟波浪接天白萬古長悠悠上人昔宴坐閒澹  
寡所儔我亦山中侶策杖時相求雨聲閉竹窗雪色浮  
茗甌流離天一隅此樂能忘不何意二十年與子重綢  
繆餘生應有限世事亦可休所需容膝地垂老此優游  
上人不輕諾首肯爲我謀

牛首

不到牛頭寺于今二十年那知崖際閣重向亂中眠城  
郭青峰裏帆檣落照邊時聞江右客泣指上河煙  
監院舊相識扶筇特地尋飢寒離虎穴粥飯有叢林接  
衆此時事住山他日心可能求斗室容我擁爐吟

次夜過祖堂宿石溪師竹關

幾年客長干名山不易造一徑入深林曲折久迺到山  
門松間開有僧爲我導竹房上崖際石磴穿窈窕上人  
亦啓關凭闌肆孤眺驚見俗人來頓覺一山關上人我  
同庚髮白顏殊少清風灑塵表朗月盈懷抱意取嬾殘  
禪不傳曹洞道有時弄筆墨直撲北苑奧豈有揣摩工  
所任自然妙卷以贈方子足慰平生好夜久齋廚閉自  
起然茶竈茶熟客亦眠獨上峰頭嘯

同星卿訪梅逢一靈三上座

古寺入深松石徑踐以熟一自導師亡旋見苦徑緣念

此二開士在昔稱高足策杖叩其扉繩牀守幽獨爐灰  
不復然齋堂日一粥靈公呵凍書寒色滿修竹梅公負  
暄坐談笑無拘束禪機紛滿前豈在言往復

梅公老古錐信是住山人靈公氣骭髀目中誰等倫長  
千十萬戶獨與二老親二老復何知惟有徹骨貧朝洗  
耳中汚夕澣衣上塵所存餘幾何去妄豈有真賴此善  
知識妙義互相陳逝將舍我學從汝談淨因

天界紀事

百丈毘盧閣莊嚴歷十州殿供軀像偉碑紀國恩優鉢  
鐸通宵語竹松滿院秋真心鐘磬裏端坐老堂頭

三門來往歇半是帶傷兵翠竹官監伐蒼松鼠亂行路  
闌疲馬倒井羸渴駝鳴鐵騎無時入頻令合寺驚

導師辭世日悲泣動天龍南國尊三寶

江南以藏經長干捨及丈人爲

三寶城南

諸方正五宗

丈人有五燈正宗一清諸方之說

偈于臨去說

龕欲待誰封曲盡端然坐傾都禮梵容

### 輓天界和尚四首

佛法從來未問師經時親炙覩威儀起居自在無心處

生死從容不動時萬世獨知莊子解十年三點所南詩

託孤已信存吾道

師以莊生爲孔子真孤託老子以存

此日真孤更託誰

東南棒喝正紛然洞上孤危一線懸老去示人惟讀易

年來下座不談禪  
天心已信常冬至  
祖意休矜有別傳  
今日偶然窺見得  
敬儂何處哭蒼天

三百年來一老髡  
灰心獨念本朝恩  
井中史記死猶讀

獄裏經聲今尚存  
師獨時諱下獄  
獄中遂成道場  
佛寺彫殘悲國土  
御

碑漫滅慟山門  
兵興堅臥里盧閭  
字字新詩有淚痕

寸絲不挂赤條身  
天下禪僧無此貧  
撒手纔爲流俗信

師端坐而化  
違時屢被及門噴  
諸方嗣法稱多士  
半夜傳心

定幾人制作一生盈  
數尺誰爲刪出見師真

兵後重到草堂書懷

曾經烽火暗南村  
敢擬吾廬今尚存  
牛糞堆邊尋老友

馬蹄聲裏掩衡門，灌園叟去蔣籬倒栽光。  
船來市井喧愁絕，不堪思往事滿庭秋色照黃昏。

草堂四登詩

耿耿光難昧，幽幽照獨行。  
無風自開閣，近水得逢迎。  
歷落親人冷，飄零出世輕。  
共知爲腐草，休特有微明。  
螢火

不定去來意，悠揚何太微。  
尋花輸蝶鬧，咽露讓蟬飢。  
羅網寬休觸，兒童捷有機。  
憐他輕點水，得趣便高飛。  
蜻蝶

積雨堂坳白，蒼蒼入戶蛙。  
已無朝氣怒，還怪夜分譁。  
并海知誰大，公私聽竝嘉。  
時防持釣者，算汝作魚鰕。  
蛙

促織繁淡夜，牆根何處尋。  
非時寧敢鬪，率意自成吟。  
豈

入豪家耳惟閑靜者心通宵愁不寐應是爾知音

促織

書懷

今秋通不熱吾意更蕭然枕到天陰潤牀隨夜雨遷困  
人成薄醉無客卽高眠餐飯依時減毋勞問光錢

寄蕭尺木索畫

吾憐蕭處士白髮老江天埋迹市廛裏閉門風浪邊供  
僧惟一飯賣畫有閒錢許寫青山寄欠來已十年

上河留宿酬王汾仲諸子

步出江關路可憐偶乘高興小春天橋危獨木愁行旅  
潮落高灘鎖釣船津市一家初賣酒村墟幾處有炊煙

居人好客爭爲主留我樓頭累夜眠

憶江村寄示兄子煦初廉裕陽祥及兒子灑祖  
江上青山桂樹村先人遺構至今存本無多地爲園圃  
獨此閒軒課子孫逢世文章寧有效傳家經術且宜尊  
同堂自昔相師友來歲吾歸細討論

寒夜念天界同叅諸子

破衲蒙頭擁地爐紙窗新補壁新糊殘書數卷終朝看  
老屋三間一物無正好鋪糜逢光盡偶然思酒乏錢沽  
知君夜靜灰堆冷七尺單前凍未蘇

寒燈無燄炷無香坐到更淡爇上牀讀易偶知冬至節



參禪不入祖師堂，果然火死灰重活。但覺陽生凍未妨，借問蒲團枯坐客。功辭翦爪爲誰忙。

酬三友大師

一衲蕭然自在身，諸方獨有此翁真。寒江破浪違慈母，古寺臨龕哭故人。師來爲浪  
杖人封龕不斷情根存世諦，可知佛法在天倫。我無一物堪爲供，赤手將來未是貧。

早雪

漫說寒威淺，江山也一新。半空消不見，大地蓋難勻。野路銀沙漫，遙峰粉筆皴。占年寧足算，暫息道傍塵。  
六出花初試，千林大可觀。擬舒衫袖接，旋被屐痕殘。飄

忽隨風罷輕盈到地難也知時節早應待過年看

不寐

客被何曾煖霜嚴好是晴雞寒啼費力鼠點墮無聲殘  
月曉纔上野更遠不清通宵求合眼多是近天明

草堂紀異

孟冬建亥月羣陰氣以盈百蟲蟄不出青蠅迺營營紛  
然几案間耳目無時清貧居寡羶蕪擾攘何所爭屏坐  
不得却開軒玩虛明虛明豈足礙且復憎其聲或云大  
兵後尸氣感所生又云冬大熱將有疫盛行微物闢氣  
運我心寧不平冥心絕聞見任汝自縱橫

江南亂甫定有鳥鳴屋頭有如將雛雉旋繞聲啾啾居  
人夜不寐聞者生歎愁云是鬼車鳥厥聲災禍由掩耳  
不敢聽而我獨無憂我觀天人理吉凶本自求我生不  
媿天此鳥寧足讎達人齊得喪志士重自脩誰謂鳥聲  
惡宛若鐘鼓幽聞此發溪省如何還怨尤

老屋牆隅穿羣鼠穴其內白日公然出頗作逢迎態衣  
桁無完物書架半殘廢平生所著作竊取無復在意氣  
還驕人傍觀轉難耐我自學道來淡以文字悔任汝攘  
所有原情悉汝貸胡為益跳梁時復肆狂喙背德者不  
祥汝行將自逮安得曠野居終身遠此輩

馴犬十年餘晨昏在門戶依依膝下眠出入銜衣屢搖  
尾有所需給之惟恐誤一朝忽狂吠不復舊恩顧伎倆  
昔所知猙獰狀可惡時時張爪牙意在使我懼醉人不  
畏虎得全以天趣我天既以全寧于犬乎怖恩多怨反  
生我實驕汝故從此舍汝往慎勿臥當路狺狺且收聲  
路人不汝恕

閉門

但得閉門坐憑他風雪寒問心無一事數米有三餐老  
友疑相質開書來不觀此生疑過分何敢更求安

寒夜張爾公見過

老友絨關久冒寒過草廬久辭城市迹新禁國門書方  
其米店錢還後茶爐火著初相看頭白盡談笑未應疎

苦寒行

嚴霜日夜摧北風一何凜天地忽以閉晝短夕苦永敲  
石無火暈斧冰惟枯井口噤不得開淚下直如綆豈無  
太陽輝一令羣陰屏浮雲相蔽虧乍出疾已隳浮雲本  
無根白日亦有景自非義和才六轡何由聘空使寒嚴  
松窮年自孤挺

僧舍蠶梅

花開精舍裏攀折徧街坊大戶增錢薄高齋課月香僧

心惟驗蠟佛面且分黃世味嚼來久空門可較長

臘月望前一夕同曾青藜訪孫易公園爐看雪

限韻

昏暮集微雪杖藜與偶乘舞空纔著瓦驅冷欲侵燈長  
夜客難過淡杯老不勝擁爐看汝飲簾外正飛騰  
好客推孫楚況逢點也狂萍蹤粘白下花信逼青陽得  
雪銷冬熱豈雷怕歲荒窮途餘老友且莫判行藏

哭藏野上人

上人違幾日靈骨已歸山破衲禪堂估空房監院關琴  
憐雙耳廢絲怪一錢慳普德門前路從今罷往還

日間詩集

卷五

十九

田間詩集卷第五

田間詩集卷第六

江上集

庚子

庚子正三日沈仲連楊商賢曾青藜方爾止梅

杓司陳伯璣同集願與治宅

雨隔春城路未除客途相聚頌椒花  
淡杯潦倒羈人興  
老屋陰寒處士家時事又憐三日過  
鬢毛總向十年華  
明朝便發避山權愁煞孤篷月影斜

初春邀蒼谷飲梅岡酒樓望見張興公至招之

共醉詩以紀之

長干正月春寒天長干一路酒帘懸我尋蒼谷謀一醉



手中恰有千銅錢梅岡之土酒家尖亦樓面山果飲倒  
有翁賣酒廚無肴蒼谷愛此酒酷好賣酒老翁亦不俗  
獨在爐邊扇茶熟呼來共飲顏色歡笑我千錢酒不足  
何者拄杖老翁來逍遙獨步雨花臺醉中認得張長者  
此翁雖老能銜杯僥軒大叫亂招手翁也笑指窗中酒  
須臾曳杖上胡梯酒翁自起添一斗張翁衰鬢白如絲  
言當剃盡身披緇苦被兒曹不見聽驗我終以僧伽梨  
我與蒼谷皆大笑鬚髮有無何足道聞翁學道聖人徒  
那得酷信西方教酒翁從旁摩我頂笑我狂言不自省  
多年老秃還諫人譬如我醉勸君醒傷人聽說訝狂癡

獨有張翁信不疑  
兩君髡頭不事佛  
此意難與酒翁知  
擬往江右尋藥地  
不得去里中諸子聞白門近

事招余還山

廬山有願去何遲  
況復追尋慧遠師  
開歲便要雲水伴  
出門偏與雨風期  
自知念雜魔須燒  
且喜心安藹不移  
比得詩  
甫息勞動故人遠  
相憶勸歸爲刻十年詩

返里門江上雜作

貧裝惟附載行止  
聽篙工舟等潮來  
活村經兵過空年  
終徧處火日落一天  
風誰譏汗椅裏  
愁吟雜老翁

篙師眠最熟  
寧顧客心  
人語鄰舟起  
雞聲野店荒  
漸

聞敲石火似欲理帆檣風色真相問憑君住不妨  
倚灘不到岸此地幸無驚數問來船信喜聞前路平隔  
年愁上料幾月又裝兵羨煞打魚者淡宵搖櫓行  
聯檣鄰漸熟向曉約齊開旗脚占風轉船頭覺浪回路  
程頃早算篙檝怪頻催神福爭錢買登崖久不來  
誰憐長滯客今日也開舟風戒飽帆腹柁看撇浪頭江  
豚朝面拜水鳥近船泐慙媿東來子輪君怨石尤

騎驢衝北客馱落詩以謝之

狹路相遭處孤吟甫就時馱高驚偏側驢墜失敲推客  
惜千金貨吾成一句詩不知囊底物五字可能賒

訪方還青山莊

劈面衝風去行人納手寒詩從驢背就客用馬頭關

衝客

駘落大爲所困

問路三叉錯沈吟一字難遙知今夜宿倡和有

方干

老友官初罷攜孥住此山徑荒無轍迹水落有潺湲瘦馬放溪上居人指樹問天寒知不出應是掩柴關

入城途中口號

前山青欲沒一路晚煙生頑僕催頻歇疲驢策不行日斜寒氣峭風止暮雲晴野店難尋宿吾須趁入城

越東爲左霜鶴賦

日閒詩集卷之六  
徑隱叢篁戶隱梅茅齋斜倚半峰開空林人語窺難見  
野路樵通唱自迴晝冥雨飾千嶂合夜深溪怒萬山來  
高窗燈小兒貪讀一聽書聲一舉杯

主簿祠荒滿薜蘿一巢新構在巖阿久思學釣尋漁父  
忽肯參禪寄鳥窠野火燒餘山色淺柴門掩後月光多  
溪邊坐聽灘聲鬧常許施橋與過河

左眠樵抱蜀堂落成

半生事業已全虛垂老仍尋舊隱居澗溜昔年枯絕響  
巖藏先世讀殘書欲留客飯親燒筍爲仰僧勤帶種蔬  
我構茅齋空有願此中權可號吾廬

竹成

我來犢角未全生，一兩纔窺數寸萌。  
朝省地潮滋壤暈，夕看露灑上梢行。  
攜筇量記過牆節，撐石起聞出土聲。  
昨在九峰經宿返，亭亭早見萬竿成。

同左子兼子周尋山

尋山連日費躋攀，不盡揆竒不肯還。  
黃鳥啼殘淡樹裏，青鞵踏破亂峰間。  
少年輩轉輸余健，多事時偏勒汝閒。  
已約高僧秋後至，挂瓢親許小琅環。

小琅環爲左氏家山

喜姚經三成進士

才子高科及壯年，看君意氣轉蕭然。  
拈詩句就銜杯裏

作畫心窺用筆先莫厭刑名官近俗應知山水郡多緣  
道人癡學無人識望汝流通使世傳

龍眠山居雜興

築室當溪口溪聲比舍連截來穿竹徑引去入秧田  
酒夜難醉臨流午罷眠羽觴原上放直過小橋邊

經營三四載新構小茅茨笏密僧私賣租寬佃自知開  
荒南澗闢覓種下江遲瓜豆綠騰種溪邊盡插籬

亂後山田瘦春陰趁早耕秧鉞寒裏損糞火雨中吟酒  
店乘忙蓋鄰家爲水爭此牛牆外過時有讀書聲

見說西峰下陰寒可種茶山澆雲雜霧地黑土兼砂盛

夏勤蕪草初年忌摘芽荷鋤僧不倦常到日西斜

古藤纏壁住知是老牆根竹色碧侵戶梅陰香滿園野  
雞衝客起乳鹿避人奔市上還防虎山中不閉門

時有虎入

城

幾道灘難過誰成獨木橋田因更佃瘦山以上墳燒村  
婦雨中牧了童屋後樵隔牆來往近有酒卽相邀

一犁東作起草徑狹難行處處驅牛路田田放水聲莫  
嫌連日雨已是一春晴客至親炊飯兒童遣入城

牆角鈎衣刺繁花滿路香翁饒判食菌婦鬪爲爭菜趁  
客奔邊毒催耕候鳥松松棚新賣酒私喚老僧嘗



村居離郭近野老未忘機  
籜隕編涼帽稽留織草衣  
血痕歸獵網腥氣坐魚磔  
見客雄談古東門看戲歸

糧事聞人說官收果便農  
倘能減科派詎敢後輸供  
僧徒施茶竈鄰求造酒備  
今秋安水碓借與四村春

休脫衣棉早空山入夏寒  
摘蔬盈一把燒筍飽三餐  
老易溪邊講詩文醉後看  
怪余談不倦得遇解人難

好山何必買得住卽吾廬  
北苑眼前畫南華袖裏書  
水溝花自去石縫草親除  
潭上漁無禁人來亂打魚

講罷吾無事巡溪步幾回  
草昏山欲合杉黑雨將來  
書臥貧僧病春寒野殿開  
樵人歸不歇前路伴相催

過碩人醒園偶作

太沖耽野趣，亦蕭疎。負郭纔通巷，開門別有廬。  
小亭留客坐，大宅讓兒居。自說歸田後，緘關懶讀書。

酬左夏子

博物推公子，誰堪共討論。見君能不語，覺我太多言。  
居僻寧逃世，交嚴豈閉門。吾鄉無古學，史法賴猶存。

招武水高子威入山話別

通家魏里彥，兩月滯荒城。訪舊老來意，看山臨去情。  
本無多石色，但可聽溪聲。欲問頑夫事，丘中過此生。

青布潭弔左子忠

未了一分願空捐萬里身故人虛有望茅屋竟難新  
詩  
茅得病因多酒遺孤仍舊貧潭邊宿草處昔過一傷神

周信臣山齋

周生讀書處茅屋只三楹水斷隨牛迹籬遮聞犬聲尋  
山高士興謝客老親情見說緘關久經時不入城

左氏三都館詠新筍

此徑昔栽竹亂來餘幾竿茅從今歲葺筍趁老夫看拔  
地蒼苔破叅天碧玉寒庭前盈數畝觸目是琅玕  
出山纔十日清翠徧山隈似少去秋雨應從前夜雷迸  
生疑有怒競長是誰催飽盡平生眼行吟日幾回

生意難拘束縱橫不作行斜穿寧避石直過似無牆空  
地補偏得漸畦侵欲荒安排消暑處吾意已先涼  
流水緣新竹平生意在茲忽驚青箇箇漸覺影離離  
土僧親見抽梢人不知坐來光可飲睡足茗香時  
頗怪債簾好還憐老竹根雪霜經歲月雷雨長兒孫  
犢角一時銳龍鍾幾箇存池邊吾手植料得滿家園

過張山人不遇

北山有逸士相訪每相違陋巷無多屋居人共一扉  
客來題壁滿僮應在家稀爲問比鄰叟常時夜始歸

祝山如邀飲出示新詩

東門城口關中有逸人居一徑入深巷滿牀堆異書茶  
從僧轉覓酒爲客長儲佳句篇篇好流傳豈藉余

方井公招飲

負郭牆陰僻似村屐聲得得破苔痕山城水漫朝無徑  
竹樹春深晝掩門酒在雨天容易醉詩于晚節覺難存  
煩君好我思行世好待剛成與細論

初夏

梧陰初大竹初成天氣寒多穩卜晴野草花鋪紅毯關  
新秧風熨碧濤平幾雙山地牛頻叱一片水田蛙亂鳴  
底事流鶯啼漸嫩漫無情緒兩三聲

喚晴喚雨樹頭鳩處處農忙爲麥秋山筍充盤和露折  
野花入藥交藤收學飛燕子空巢出作隊魚苗戲溜游  
講罷南華無一事舊詩親寫與人留

杜鵑

四月秧齊水滿村杜鵑啼處綠陰繁山花似染三更血  
國事徒傷萬古魂少婦枕邊春已去征夫嶺上雨初昏  
天津處士休愁絕那得南人氣尚存

黃鸝

碧柳千條覆大堤鶯吭初滑聽難齊風前酒醒偏聞轉  
夢裏人驚直怪啼似曲慢調淡綠內如花流過短牆西

知君自愛聲音甚定選陰陰好樹栖

百舌

春溪山僻鳥鳴幽底事閒閒啼不休一片舌翻千樹裏  
百般聲鬧五更頭繁音學得人堪喜巧語多來聽轉愁  
自是耳根難得靜謔言君側豈吾憂

畫眉

小鳥和鳴何處尋聲聲不變異時禽四時有之清溪雨過於  
新晴別院風微送好音顧影漫勞京兆筆聞名先動美  
人心能言未必如鸚鵡閉在雕籠一樣淡

王以介太史出叅江西督儲敘別

早歲爲儒典石渠借才暫出叱熊車舳舻自轉司農粟  
膏火仍親太史書老友禪關淡望護謂藥地師前賢講席未  
應虛柴桑大有遺民在肯過潯陽一式廬

內史持籌佐大藩南州久困轉輪繁要知治賦循良績  
早驗居鄉長者言國課正嚴寧望減民情少緩卽爲恩  
遙遙澤沛西江水可有餘波溉里門

寄懷錢爾斐孝廉

武水泱泱滿縣流孝廉家在板橋頭竹聲晴聽通宵雨  
山色陰含一院秋爲喜孤吟營小閣時招野客上扁舟  
梅花墓側東門路惆悵當年夢裏游



兩年風雨臥南園問姓同爲武肅孫郭外花開春置酒

溪邊詩就夜敲門漬留震澤孤臣血

謂仲

招斷虞山萬

里魂

是在葬桂林虞山

莫話昔年行樂事關人紅袖至今存

爾斐作使女郎賭勝爲樂聞其人尚在燕陰

亂餘澤國徧風波破衲孤筇未敢過枕被幸存兄弟樂

并念

庭階淡望子孫多向來白髮應全禿老去青衣豈

解歌

爾斐生而髮白又所狎值齒長矣益戲之也

借問客園憔悴叟驚魂定

後典如何

謂龍門先生

書懷寄錢仲芳

記別王孫十六年故人星散五湖煙也聞鬚髮隨時白

不見詩篇與世傳，骨月難餘同產盡。園林兵後幾家全，  
向來鄙句蒙收錄。一字如存亦可憐。武水有詩百餘首，皆以矣憶君家尚

有鈔本  
風波閱盡道人裝，無復狂奴故態狂。一領衲衣常自補，  
數莖短髮已全蒼。爲澆宿草思行脚，但說嘉禾早斷腸。  
小艇夕陽來去路，不堪回首是西塘。

寄魏交讓處士

憶昔孤吟武水濱，竹林聲氣最交親。

謂令叔子

風霜節

以孤偏勁清白家，因亂益貧常怪德門多。遠士猶存曾  
子作，遊民東南比歲名流盡似爾。超然賸幾人。

數過潘伯鸞小飲與陳三如劇談醉後有作

南樓淡巷隱雙扉每訪潘生盡醉歸  
講易超超迎妙悟談詩往往合禪機  
日斜川上收虹飲雷過城頭挾雨飛  
不是衝炎頻擾靜微言欲覓解人稀

述醉示諸禪人

昨夜醉歸歸獨後街頭月色清如畫  
同行不用更扶持我醉心知路不謬  
分明記向北門歸左氏門開未掩扉  
階下童子喚不醒階前花影滿人衣  
愛此花影對花坐小童扶入竹房臥  
半夜忽疑臥在階空庭風露還愁大  
猶憶門櫳倚壁開捫壁求門安在哉  
那知身在門以內

何處求門更入來翻然驚覺媿且喜將心覓心一如此  
寄語同社叅禪徒主人原在儂屋裏

飲鄧東之却贈

羨汝藏身出處間乘風高翮早知還數延僧住思離市  
但得錢餘便買山生事喜於垂老足世緣肯放此心閒  
論交杵曰今無幾一過高齋一破顏

吳于庭移居城北

新居負郭抵村莊況有三間疎豁堂便縛架遮東廡熱  
早開窗納北風涼雜花滿院留詩史小石憑闌坐酒狂  
共訝屋縉稍過直原來丘壑趣偏長

江在涓昆仲見過

鶯花入夏三都館蠟屐侵晨二陸來  
執禮爭知家有教讓賢轉覺仲多才  
門庭見爾清脩苦心事逢人笑口開  
老去詞壇如不棄或堪頻把論文杯

姚翼侯催妝詩

薄暖輕寒四月天黃鶯休撥合歡眠  
壁間絃是新調好鏡裏眉知再畫妍  
永叔大姨稱謂換尚書小女子孫賢  
劉驥再發趙是尚書第九女生九子最憐策句聲聲苦  
從此摧燒不許傳翼侯先有悼亡集句

左夏子懷西樓得山字

桐風初御晚涼還  
屐齒同乘物外閒  
百尺樓頭書萬卷  
千重樹裏屋三間  
澹香細潑秋前茗  
遠黛平招雨後山  
半醉袒肩橫說易  
一生天放老夫頑

飲姚駕侯錦叢堂

錦叢堂側碧苔斑  
滿榻圖書在此間  
年力正強思勇退  
家聲方謨獨偷閒  
小窗日課詩何富  
大戶天教酒不慳  
客到所談方外事  
何須更買最溪山

江村初度

行年半百願多違  
幾見茲辰守舊扉  
壯志暗消余已老  
家人相慶客真歸  
易干燈下朱難點  
孫指髭間黑漸稀

從此猛拚除故我豈需明歲始知非

寄從子龍友

我遇杜蒼略言與汝相識稱汝好文采落筆多奇特  
春鄉先生覽之爭歎息知爲我從子亦足生我色又言  
汝不羈意氣難可卽游學亦多年岸傲乃如昔我以正  
月回羣從皆羅列問汝獨不見久未還鄉邑汝父年向  
衰鬚髮白間黑倚闌望汝歸中夜淚流臆汝母厝淺土  
風雨臥荆棘兵火沿江村寧不念固極汝妻守空房糠  
麩不得食汝子嬌可憐宛轉繞我側朝夕盼爺回傷人  
爲心惻丈夫志四方天倫詎有忒汝學當益進汝才極

可惜我昔好遠游，問關歸不得。汝在咫尺間，久出何所。  
逼傳聞，頗異辭。展轉滋我惑。讀詩早言旋，免我長相憶。  
方季重見過

溪憐中表半晨星，稱弟居然見老成。骨肉情濃悲叔子，  
謂家兄園林路熟憶難兄。謂令兄家粗可過心偏遂，望

本無奢累更輕安。得住山休隔嶺時，家醞與同傾。

老去

老去書難讀，終年手一經。農忙閒坐寐，僧倦放叅醒。會  
火無端著柴門，忽自扃。此中饒得趣，欲說與誰聽。

偶作



同輩頻抽去舊游看漸孤也知隨分過那得此心無學  
佛戒難受吟詩律不拘老夫年半百今始欲爲儒  
莊生不可學漸覺此心灰人似同舟聚屋疑避雨來起  
居安逆旅來往倩形骸處處多粘縛何時擺盡開

端午獨酌

霖雨涉春夏百穀播始完林間水生陂浩焉興波濶郊  
邑困誅求四民力已殫黯然值令節慘澹不成歡壯子  
室屢空長夏更艱難手持一尊酒弗復具盤餐酒雖滋  
味薄能令顏色丹漬以菖蒲香防彼邪氣干開尊自斟  
酌一酌再三歎跼踖茅檐下周旋豈得寬惟有孤生松

可以恣盤桓

夏夜喜雨

火雲晚照四郊愁，一雨滂沱豈待求。  
天澤自依時節降，人情空爲稻梁憂。  
高田趁水都催種，早稼盈疇已望收。  
多少農夫通夜聽，聲聲滴在寸心頭。

不種田園不納糧也。欣時雨其人。老僧豆架侵晨縛鄰舍瓜藤。一夜長牆外暗聞奔澗響。林間微有宿燈藏。分來佛火無些事。照我收書自上牀。

七夕陰示從子龍友

將應試  
白下

天河陰不見，酒盞興難降。  
犢鼻矜南阮，烏皮老北窗。  
雲

遮應有渡星暗自爲雙莫乞黃姑巧蛾眉皓已麗

索飲方季重

懷抱秋來惡那堪麴蘖疎上牀眠不著卽事悶難除表  
弟能藏酒阿咸數起子

六合姪爲季重婿

倚渠謀一醉于汝意

何如

詠史

荊州據形勝其國四戰衝北向爭天下勢同順風呼乘  
危不能取惜哉失此圖先主旣入蜀勢在西一隅主旣  
稱爲帝蜀亦建爲都將士皆懷安焉肯復長驅雖有孔  
明才見利不能趨魏延計不用干載嗤其愚

古來稱險固惟蜀號偏安一夫以死守誰能踰其關如  
何有蜀者兵至輒破殘哀哉姜伯約勇智非不全漢主  
既乞降焉用軀獨捐解甲以事讎舍易圖所難此志亮  
不就至今爲心酸

晉室昔南渡立國過百年其臣非不庸其主皆至孱豈  
有復仇志惟圖旦夕安所重亦門第所尚仍虛立中朝  
覆亡轍到今迴不悛中原有戰爭此地幸以全獨令王  
與謝後世稱其賢

得失固有道成敗安足論成者寧必聖敗者詎爲昏古  
來功名際多爲史氏冤謝玄破苻秦其名至今存向非

王晉書卷六十六  
朱序倡秦兵豈遽奔英雄一失路萬古視其魂功名屬  
豎子壯士復何言

中原昔喪亂戎羯互塗炭共偷江左安坐看神州陷壯  
哉宋武帝直上咸陽殿百年宿穢清天日重相見可憐  
秦父老壺箎徧畿甸中原望風降拓跋不敢戰一朝棄  
之行急歸圖晉禪關中自足帝方隅何用篋空使向化  
民再罹吠戎難功名不得收古今一長歎

虞常漢烈士沒身在匈奴身陷志不屈還欲復其仇思  
劫闕氏來并取丁靈頭此豈能歸漢要爲壯士謀傷哉  
奇計泄同事皆被收其事雖不就其義已千秋獨陷蘇

子卿北海長幽囚

漢家邊禍起，虜由中行說。翁侯相繼降，和好從茲絕。  
隗西辱家聲，長水焉足責。貳師名將軍，一敗屈其節。  
爭寵復何心，陰害出同列。藪巫託鬼語，祠社屠其血。  
冤死在異域，殺身一何拙。

都尉昔出塞，搏戰功誠奇。若非管敢降，豈不出重圍。  
壯哉韓延年，一死報主知。因杵無功返，夷滅焉能辭。  
王亦可慕，泥野亦可追。何爲別子卿，泣下空霑衣。  
不如丁靈王，勸縱蘇武歸。

蘇卿在北海，志豈復望生。空死無人地，此心誰當明。  
丈

夫守大義口舌未可爭李陵語未畢喟然感其誠雲中生口至廼言武帝崩南嚮一長號至今聞哭聲白髮謁園廟歸國徒傷情

人生重富貴要在還故鄉韓信過淮陰身封楚國王買臣歸郡邸腰懷會稽章故妻怨既報漂母恩亦償英雄不見道恩怨焉能忘得志論一時寧係後不亾二子無令終後世皆稱揚

子雲寡嗜欲家無儋石儲漢亾不肯去天祿還授書券利非所慕所懼身見誅設令投閣死死市何以殊天地有立文時節當發摠焉顧持筆士削其漢大夫

富貴不足羨道在豈爲恥不見張安世光寵世無比父  
子竝封侯知慙不知喜繼啻殖貨財天下稱其美張禹  
老貪夫嗜利死不止臥病邀帝臨但託壻與子天變意  
昭然豈不在王氏直爲子孫計陰希外戚旨漢祚從茲  
移禍由貪夫始

同戴无忝訪方有懷白鹿山莊

昨夜漁篷泊釣磯朝涼趁向鹿湖飛  
蓼花灘暗迷河路松竹陰穠閉板扉  
支磴且留來客坐呼僮走約主人歸  
炎天相見無苛禮揖罷當風便解衣

訊臣向魏塘近事

劉臣向頃避天都  
返過武水特訊之



魏塘回首幾招魂不在南園卽半村吏部果然嗣愛子  
職方曾否有遺孫入官田宅誰爲贖主值奴若箇存  
想見兩家花圃好春時一樣鎖青門

陳朗生山館

厭入縱陽小市塵避喧稍覺後山偏幾時亭子崖巖置  
安得泉聲壁上縣石磴高低遲客坐竹牀來往許僧眠  
樹根碑記吾當憇留待和州處士鶴

和州戴元  
季善蔡烈